

Фикҳ дарслари (145-дарс) Азоннинг маъноси



17:00 / 15.07.2021 3549

Азоннинг зикри Қуръони Каримда келгандир.

Аллоҳ таоло Жумуъа сурасида:

رَكَدَ اِلَّا اَوْعَسَ اَفَعْمُجَلِ مَوِي نَمِةَ اَلصَّلٰوِي دُونَ اِذَا اُوْنَمَآ نِيْدَلَا اِهِيَ اِي
نَوْمَلَعَتُ مُمْتُنُك نِ اِمُكَلُّ رُزِيْخُ مُمْكَلِدَعِيْ بَلَا اُوْرَدُوْهُ لَل

«Эй иймон келтирганлар! Жума кунидаги намозга чорланган пайтда Аллоҳнинг зикрига шошилинг ва савдони қўйинг. Агар билсангиз, ана шу ўзингиз учун яхшидир», деган (9-оят).

Ва яна:

نَوْلَقَعِيَّ اِل مُمْوَق مُمْنَابَ كَلَدَ اَبَعَلَو اُوْرَه اهُوْدَحَّت اَهَالصَّلٰوِي اِل اِمُتِيْدَان اِذِو

«Агар намозга нидо қилсангиз, уни эрмак ва ўйин қилишади», деган (Моида сураси, 58-оят).

Ушбу икки оятдаги «нидо»дан мурод азон экани очиқ-ойдин кўриниб турибди. Демак, азон Қуръонда зикр қилинган нарса экан.

«Азон» луғатда «билдириш» деган маънони англатади.

Шариатда эса фарз намознинг вақтини махсус қавл ила билдиришга «азон» дейилади.

Азон айтиш ҳижрий биринчи санадан бошланган. Аввал бошда мусулмонлар масжидда тўпланишар, намоз вақтини кутиб ўтиришар, вақт бўлганда эса намоз ўқир эдилар.

Ибн Умар розияллоҳу анҳунинг айтишларича, насороларнинг зангига ўхшаш занг чалиш ёки яҳудийларнинг дудига ўхшаш дуд чалиш маслаҳат қилинган ҳоллар ҳам бўлган.

«Кифоя» китобининг биринчи жузи асосида тайёрланди